

Կազմված է 2022 թվականի ապրիլի 20-ին
և բաղկացած է 8 թերթից

Տպագրված է ընդամենը 2 օրինակ
ՕՐԻՆԱԿ 1

Հ Ա Ս Տ Ա Տ Վ Ա Շ Է

Գ Ր Ա Ն Ց Վ Ա Շ Է

«ՇՏԱՊԻՐ ԴԵՊԻ ԲԱՐԻՆ» երեխաների և
քաղաքացիների աջակցության հիմնադրամ
հիմնադրելու մասին հիմնադիրների
20 ապրիլի, 2022թ. թիվ 1 որոշմամբ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱԿԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԿՈՂՄԻՑ
" 22 " 04 20 22 թ.

Հիմնադրամի Տնօրենի ժ/պ՝
Ելենա Հակոբյան



Գրանցման համար՝
222.160.123300
ՀՎՀՀ՝ 08220913
Աշխատակից՝



«ՇՏԱՊԻՐ ԴԵՊԻ ԲԱՐԻՆ»
ԵՐԵՎԱՆԵՐԻ ԵՎ ԶԱՂԱՔԱՑԻՆԵՐԻ ԱԶԱԿՑՈՒԹՅԱՆ
ՀԻՄՆԱԴՐԱՄԻ
ԿԱՆՈՆԱԴՐՈՒԹՅՈՒՆ

Երևան
2022թ.

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «Ճտապիր դեպի բարին» երեխաների և քաղաքացիների աջակցության հիմնադրամը (այսուհետև՝ «Հիմնադրամ») հիմնադրի կամավոր գույքային վճարների հիման վրա, անդամակցություն չունեցող ոչ առևտրային կազմակերպություն է, որը հետապնդում է սոցիալական և հասարակական այլ օգտակար նպատակներ:
- 1.2. Հիմնադրամն իր գործունեությունն ընթացքում ղեկավարվում է Հայաստանի Հանրապետության Սահմանադրությամբ, «Հիմնադրամների մասին» Հայաստանի Հանրապետության օրենքով (այսուհետ՝ «Օրենք»), Հայաստանի Հանրապետության օրենսդրությամբ, Հայաստանի Հանրապետության միջազգային պայմանագրերով և սույն կանոնադրությամբ:
- 1.3. Հիմնադրամի հիմնադիրն է՝ Ելենա Գագիկի Հակոբյանը (ՌԴ քաղաքացի, ծնված՝ 05.03.1988թ., անձնագիր՝ 2007948831, տրված՝ 11.03.2008թ., 360-036-ի կողմից, հասցե՝ ՌԴ, Մոսկվայի մարզ, ք.Իսիմկի, Մխոդնյա միկոշոչջան, Միկոյանի փողոց 10շ., մասնաշենք 3, բն.17)
- 1.4. Հիմնադրամն իր գործունեությունն իրականացնում է Հայաստանի Հանրապետությունում և (կամ) օտարերկրյա պետություններում:
- 1.5. Հիմնադրամը ստեղծվում է առանց գործունեության ժամկետի սահմանափակման:
- 1.6. Հիմնադրամն ունի իր անվանմամբ կրոր կնիք (հայերեն, անգլերեն և ռուսերեն գրառումներով), դրոշմներ և ձևաթղթեր, ինչպես նաև այլ անհատականացման միջոցներ:
- 1.7. Հիմնադրամի անվանումն է.
- 1/ Հայերեն լրիվ՝ «Ճտապիր դեպի բարին» երեխաների և քաղաքացիների աջակցության հիմնադրամ
- 2/ Հայերեն կրճատ՝ «Ճտապիր դեպի բարին» հիմնադրամ
- 3/ Ռուսերեն լրիվ՝ Фонд поддержки детей и граждан "Спешим к добру"
- 4/ Ռուսերեն կրճատ՝ Фонд "Спешим к добру"
- 5/ Անգլերեն լրիվ՝ Foundation for Support of Children and Citizens "Hurry for Good"
- 6/ Անգլերեն կրճատ՝ Foundation "Hurry for Good"
- 1.8. Հիմնադրամի գտնվելու վայրը՝ ՀՀ, ք.Երևան, Մ.Բաղրամյան 3-րդ նրբ., 4/6 շ., 15 բն.:
- 1.9. Հիմնադրամը համարվում է ստեղծված և ձեռք է բերում իրավաբանական անձի իրավունքներ օրենքով սահմանված կարգով դրա պետական գրանցման պահից:
- 1.10. Հիմնադրամը որպես սեփականություն ունի առանձնացված գույք, պատասխանատվություն է կրում այս գույքով իր պարտավորությունների համար և կարող է իր անունից ձեռք բերել և իրականացնել գույքային և ոչ գույքային իրավունքներ, ստանձնել պարտականություններ, դատարանում հանդես գալ որպես հայցվոր և պատասխանող:
- 1.11. Հիմնադրամը կարող է Հայաստանի Հանրապետության օրենսդրությամբ սահմանված կարգով ստեղծել մասնաճյուղեր և ներկայացուցչություններ, հիմնարկներ, ինչպես նաև՝ հիմնադրել մամուլի և զանգվածային լրատվության այլ միջոցներ, որոնք գործում են հիմնադրամի անունից՝ հիմնադրամի հոգաբարձուների խորհրդի հաստատած կանոնադրություններին համապատասխան:
- 1.12. Հիմնադրամն իրավունք ունի օրենքով սահմանված կարգով բանկային հաշիվներ բացելու Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով և (կամ) արտարժույթով:
- 1.13. Հիմնադրամը շահույթ ստանալու նպատակ չի հետապնդում: Տարբեր աղբյուրներից ստացված միջոցներն օգտագործվում են միայն սույն կանոնադրությամբ սահմանված նպատակներով:
- 1.14. Հիմնադրամը սույն կանոնադրության նպատակներին համապատասխան իրավունք ունի ստեղծել տնտեսական ընկերություններ կամ լինել նրանց մասնակից:
- 1.15. Հիմնադրամը, Հայաստանի Հանրապետության օրենսդրությամբ և իր կանոնադրությամբ համապատասխան, կարող է անդամակցել միջազգային և օտարերկրյա ոչ պետական կազմակերպություններին:
- 1.16. Հիմնադրամի շահառուներ են երեխաները, նրանց հարազատները, այն անձինք, ովքեր ունեն սոցիալական, առողջական և կրթական խնդիրներ, ինչպես նաև ոչ առևտրային իրավաբանական այն անձինք, որոնք նպատակ են հետապնդում աջակցել երեխաների, նրանց հարազատների, ՀՀ քաղաքացիների սոցիալական, առողջական և կրթական խնդիրների լուծմանը:
- 1.17. Հիմնադիրը պատասխանատվություն չի կրում հիմնադրամի պարտավորությունների համար, իսկ հիմնադրամը պատասխանատվություն չի կրում հիմնադրի պարտավորությունների համար:

1.18. Հիմնադիրը պատասխանատվություն է կրում մինչև հիմնադրամի պետական գրանցումը ծագած՝ նրա ստեղծման հետ կապված պարտավորությունների համար:

2. ՀԻՄՆԱԴՐԱՄԻ ՆՊՏՏԱԿՆԵՐԸ

2.1. Հիմնադրամի նպատակներն են.

2.1.1. երեխաներին, ինչպես նաև օգնության կարիք ունեցող բնակչության տարբեր խավերին, անապահով ընտանիքներին նյութական և սոցիալական աջակցության և օգնության ցուցաբերում.

2.1.2. բուժման կարիք ունեցող՝ ծանր աստիճանի հիվանդություն ունեցող երեխաների խնամքի և բուժման համար բժշկական և սոցիալական աջակցության կազմակերպում, օգնության տրամադրում.

2.1.3. Հայաստանում գործող բժշկական օգնություն ցուցաբերող հաստատությունների և այլ երկրներում (Գերմանիա, Ռուսաստանի Դաշնություն) գործող բժշկական հաստատությունների միջև համագործակցության ամրապնդմանն ուղղված աջակցության կազմակերպում.

2.1.4. մանկատներին, տարեցների կենտրոններին օգնության ցուցաբերում՝ կենսապայմանների բարելավման նպատակով.

2.1.5. առանց ծնողական խնամքի մնացած երեխաների, ծնողազուրկ երեխաների, զարգացման խանգարումներ ունեցող երեխաների, ցածր եկամուտ ունեցող ընտանիքների երեխաների, ռիսկի տակ գտնվող երեխաների սոցիալական, մտավոր, ֆիզիկական և հոգեբանական վերականգնմանը և ադապտացմանը նպաստելուն ուղղված միջոցառումների մշակում և իրականացում.

2.1.6. բնակչության տարբեր շերտերին սոցիալական և բժշկական օգնություն ցուցաբերող հաստատություններին և կազմակերպություններին նյութական աջակցություն.

2.1.7. օգնության ցուցաբերում ծանր հիվանդություններով տառապող անձանց կամ նշված անձանց անմիջականորեն օգնություն ցուցաբերող ոչ առևտրային կազմակերպություններին.

2.1.8. Առողջապահական և բարեգործական ոլորտների զարգացման նպատակով պետական և տեղական ինքնակառավարման մարմինների, ինչպես նաև միջազգային կազմակերպությունների հետ համագործակցություն,

3. ՀԻՄՆԱԴՐԱՄԻ ԳՈՒՅՔԸ

3.1. Հիմնադրամը որպես սեփականություն ունի Հիմնադրի (Հիմնադիրների) ներդրումների հաշվին ստացված առանձին գույք, ինչպես նաև սեփական գործունեության արդյունքում ձեռք բերված գույք (շարժական և անշարժ գույք, դրամական միջոցներ և ավանդներ, բաժնետոմսեր, այլ արժեթղթեր, քաղաքացիական շրջանառությունից չհանված այլ գույք):

3.2. Հիմնադրամը որպես սեփականություն կարող է ունենալ շարժական և անշարժ գույք, դրամական միջոցներ, բաժնետոմսեր, այլ արժեթղթեր և օրենքով չարգելված այլ գույք:

3.3. Հիմնադրամը տիրապետում, օգտագործում ու տնօրինում է իրեն պատկանող և իր կողմից ձեռք բերված գույքը, այդ թվում՝ ֆինանսական միջոցները՝ սույն կանոնադրությամբ սահմանված նպատակներով:

3.4. Հիմնադրի կողմից Հիմնադրամին փոխանցված գույքը Հիմնադրամի սեփականությունն է: Հիմնադրամն իր գույքն օգտագործում է սույն Կանոնադրությամբ սահմանված նպատակների համար:

3.5. Հիմնադրամի գույքի ձևավորման աղբյուրներ կարող են լինել՝

3.5.1. հիմնադրի կամավոր ներդրումները.

3.5.2. Հայաստանի Հանրապետության պետական բյուջեից դրամական մուտքերը.

3.5.3. ֆիզիկական և իրավաբանական անձանց նվիրատվությունները և նվիրաբերությունները, այդ թվում՝ օտարերկրյա քաղաքացիների, իրավաբանական անձանց, միջազգային կազմակերպությունների նվիրատվություններն ու նվիրաբերությունները.

3.5.4. դրամաշնորհները.

3.5.5. Հայաստանի Հանրապետության օրենսդրությամբ չարգելված այլ աղբյուրները:

3.6. Հիմնադրամի սեփականությունը չի կարող օգտագործվել ի շահ իր հիմնադրի, հիմնադրամի մարմինների անդամների, ինչպես նաև հիմնադրամի աշխատողների՝ բացառությամբ աշխատողների աշխատավարձի և, հիմնադրամի մարմինների անդամների պարտականությունների կատարմամբ պայմանավորված, փոխհատուցման ենթակա ծախսերի, ինչպես նաև այն դեպքերի, երբ հիմնադրամի հիմնադիրը, հիմնադրամի մարմինների անդամները,

ինչպես նաև հիմնադրամի աշխատողները սույն կանոնադրությամբ նախատեսված շահառուներ են:

4. ՀԻՄՆԱԴՐԱՄԻ ՁԵՌՆԱՐԿԱՑԻՐԱԿԱՆ ԳՈՐԾՈՒՆԵՈՒԹՅՈՒՆԸ

- 4.1. Հիմնադրամը, ՀՀ օրենսդրությամբ սահմանված կարգով, կարող է իրականացնել ձեռնարկատիրական գործունեության հետևյալ տեսակները՝
- 4.1.1 գիտական հետազոտություններ և մշակումներ. ուսումնամեթոդական նյութերի մշակում և դասընթացների կազմակերպում.
 - 4.1.2. հանրային լուսններ, դասախոսությունների, սեմինարների կազմակերպում.
 - 4.1.3. Գրքերի, պարբերական հրատարակությունների հրատարակում և այլ հրատարակչական գործունեություն.
 - 4.1.4. Ստեղծագործական, արվեստի և հանդիսադիր ներկայացումների կազմակերպման բնագավառում գործունեություն:

5. ՀԻՄՆԱԴՐԱՄԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 5.1. Հիմնադրամը իրավունք ունի՝
- 5.1.1. անարգել տարածել տեղեկություններ իր գործունեության մասին.
 - 5.1.2. հիմնադրել մամուլի և զանգվածային լրատվության այլ միջոցներ.
 - 5.1.3. պետական և տեղական ինքնակառավարման մարմիններից օրենքով սահմանված կարգով ստանալ տեղեկություններ, որոնք անհրաժեշտ են իր կանոնադրական նպատակներն իրականացնելու համար.
 - 4.1.4. ստեղծել առանձնացված ստորաբաժանումներ (մասնաճյուղեր, ներկայացուցչություններ) և հիմնարկներ.
 - 5.1.5. ստեղծել տնտեսական ընկերություններ կամ լինել նրանց մասնակից.
 - 5.1.6. ունենալ իր անվանումը պարունակող դրոշմներ և ձևաթղթեր, ինչպես նաև անհատականացնող այլ միջոցներ.
 - 5.1.7. իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ.
 - 5.1.8. դատարանում հանդես գալ որպես հայցվոր կամ պատասխանող.
 - 5.1.9. օրենքով սահմանված կարգով բացելու բանկային հաշիվներ Հայաստանի Հանրապետության և օտարերկրյա պետությունների բանկերում Հայաստանի Հանրապետության դրամով և (կամ) արտարժույթով.
 - 5.1.10. ունենալ իր անվանումը պարունակող դրոշմներ և ձևաթղթեր, ինչպես նաև անհատականացնող այլ միջոցներ.
 - 5.1.11. Հայաստանի Հանրապետության օրենսդրությանը և իր կանոնադրությանը համապատասխան, կարող է անդամակցել միջազգային և օտարերկրյա ոչ պետական կազմակերպություններին.
 - 5.1.12. լուծարման գործընթացում գտնվելու դեպքում կնքել նոր գործարքներ և ստանձնել նոր պարտավորություններ՝ միայն իր պարտավորությունները կատարելու համար անհրաժեշտ ընթացիկ գործունեությունն ավարտելու անհրաժեշտության դեպքում.
 - 5.1.13. ունենալ իր խորհրդանիշը.
 - 5.1.14. իրականացնել օրենքով չարգելված այլ գործունեություն:
- 5.2. Հիմնադրամը պարտավոր է՝
- 5.2.1. գործել Հայաստանի Հանրապետության Մահմանադրությանը, օրենքներին ու իրավական ակտերին, ինչպես նաև սույն կանոնադրությանը համապատասխան.
 - 5.2.2. յուրաքանչյուր տարի հաշվետու տարվան հաջորդող հուլիսի 1-ից ոչ ուշ հիմնադրամների կողմից հրապարակվող հաշվետվությունների համար նախատեսված համակարգում հրապարակել՝
 - ա) հաշվետվություն իր գործունեության մասին, որը պետք է պարունակի տեղեկություններ իրականացված ծրագրերի, ֆինանսավորման աղբյուրների, ֆինանսական տարում օգտագործված դրամական միջոցների ընդհանուր չափի և դրանցում կանոնադրական նպատակների իրականացմանն ուղղված ծախսերի չափի, հիմնադրի, հոգաբարձուների խորհրդի անդամների, կառավարչի անուններն ու ազգանունները, եթե նրանք օգտվել են հիմնադրամի միջոցներից և ծառայություններից հաշվետու տարվա ընթացքում, ինչպես նաև հիմնադրամի աշխատակազմում ընդգրկված անձանց քանակը,

բ) հաշվապահական հաշվառումը կարգավորող օրենսդրության համաձայն պատրաստված ֆինանսական հաշվետվություններն ու ֆինանսական հաշվետվությունների վերաբերյալ աուդիտոն իրականացնող անձի (աուդիտորի) եզրակացությունը, եթե հաշվետու տարվա վերջի դրությամբ հիմնադրամի ակտիվների հաշվեկշռային արժեքը գերազանցում է 10 միլիոն Հայաստանի Հանրապետության դրամը.

5.2.3. օրենքով սահմանված կարգով վարել գործավարություն և հաշվապահական հաշվառում.

5.2.4. օրենքով նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններ.

5.2.5. իրականացնել օրենքով սահմանված այլ պարտականություններ:

6. ՀԻՄՆԱդՐԱՄԻ ՄԱՐՄԻՆՆԵՐԸ ԵՎ ԴՐԱՆՑ ԻՐԱՎԱՍՈՒԹՅՈՒՆՆԵՐԸ

6.1. Հիմնադրամի մարմիններն են՝

6.1.1. հիմնադրամի կառավարման բարձրագույն և հսկողություն իրականացնող մարմինը՝ հիմնադրամի հոգաբարձուների խորհուրդը (այսուհետ՝ խորհուրդ).

6.1.2. հիմնադրամի ընթացիկ գործունեությունը ղեկավարող հիմնադրամի Տնօրենը:

6.2. Խորհրդի կազմում կարող են ներգրավվել գործարար միջավայրի, կրթության և գիտության, արվեստի, մշակույթի և այլ ոլորտների ներկայացուցիչներ:

6.3. Խորհուրդը բաղկացած է 3 անդամից, որոնց նշանակում է հիմնադիրը:

6.4. Խորհրդի անդամի լիազորությունը դադարելու դեպքում նրա փոխարեն նոր անդամ նշանակվում է նախկին անդամի նշանակման կարգով, ոչ ուշ, քան խորհրդի անդամի թափուր տեղ առաջանալու մասին Տնօրենի ծանուցումն ստանալու օրվանից հետո՝ 30 օրվա ընթացքում:

6.5. Խորհրդի անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 օրվա ընթացքում հիմնադրամի Տնօրենը տեղեկացնում է հիմնադիրներին, խորհրդի անդամներին նշանակած անձանց կամ մարմիններին, հիմնադրամի մարմիններին:

6.6. Խորհրդի իրավասությանն են պատկանում՝

6.6.1. հիմնադրամի ռազմավարական և տարեկան ծրագրերի հաստատումը.

6.6.2. հիմնադրամի բյուջեի և դրա փոփոխությունների, տարեկան ֆինանսական հաշվետվությունների ու հիմնադրամի գործունեության տարեկան հաշվետվությունների հաստատումը.

6.6.3. հիմնադրամի գույքի տնօրինման կարգի հաստատումը.

6.6.4. հիմնադրամի վերակազմակերպման մասին որոշման ընդունումը.

6.6.5. հիմնադրամի լուծարման հարցով դատարան դիմելու մասին որոշման ընդունումը.

6.6.6. հիմնադրամի լուծարման հանձնաժողովի (լուծարողի) նշանակումը, լուծարման կարգի ու ժամկետների սահմանումը, լուծարման միջանկյալ հաշվեկշռի հաստատումը, լուծարման հաշվեկշռի հաստատումը.

6.6.7. խորհրդի անդամների լիազորությունների վաղաժամկետ դադարեցման մասին որոշումների ընդունումը.

6.6.8. խորհրդի նախագահի, տնօրենի և սույն կանոնադրությամբ սահմանված այլ մարմինների ընտրության ու նրանց լիազորությունների վաղաժամկետ դադարեցման մասին որոշումների ընդունումը.

6.6.9. սույն կանոնադրությամբ նախատեսված հիմնադրամի այլ մարմինների ձևավորումը.

6.6.10. սույն կանոնադրության մեջ փոփոխություններ և լրացումներ կատարելու, կանոնադրության փոփոխությունը, կանոնադրությունը նոր խմբագրությամբ հաստատելու մասին որոշումների ընդունումը.

6.6.11. տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների և հիմնարկների ստեղծման ու դրանց կանոնադրությունների հաստատման մասին որոշումների ընդունումը

6.6.12. հիմնադրամի ֆինանսատնտեսական գործունեության վերահսկումը.

6.6.13. տարեկան մեկ անգամ տնօրենի հաշվետվությունները լսելը.

6.6.14. իր որոշումների կատարման ընթացքի վերահսկումը.

6.6.15. հիմնադրամի աուդիտ իրականացնող անձի (աուդիտորի) ընտրությունը.

6.6.16. հիմնադրամի կառուցվածքի հաստատումը.

6.6.17. հիմնադրամի հաստիքացուցակի հաստատումը.

6.6.18. տնօրենի աշխատանքային պայմանների և տնօրենի թեկնածուի նկատմամբ պահանջների սահմանումը.

6.6.19. իր կազմից խորհրդի նախագահի և քարտուղարի ընտրությունը.

6.6.20. հիմնադրամի կողմից կնքվող ցանկացած գործարքի՝ ներառյալ փոխկապակցված գործարքների հաստատումը, որոնց գումարը գերազանցում է Հիմնադրամի սեփականության իրավունքով պատկանող գույքի արժեքի 20 տոկոսը.

6.6.21. «Հիմնադրամների մասին» Հայաստանի Հանրապետության օրենքով, սույն կանոնադրությամբ նախատեսված, ինչպես նաև հիմնադրամի այլ մարմիններին չվերապահված այլ լիազորությունների իրականացումը:

6.7. Խորհրդի նախագահը ընտրվում է խորհրդի անդամիկ նիստի ժամանակ՝ խորհրդի անդամների ընդհանուր թվի ձայների մեծամասնությամբ: Խորհրդի նախագահը՝

6.7.1. կազմակերպում է խորհրդի աշխատանքները, կարող է կազմավորել հոգաբարձուների խորհրդի ժամանակավոր հանձնախմբեր.

6.7.2. գումարում է խորհրդի նիստերը և նախագահում դրանք.

6.7.3. կազմակերպում է նիստերի արձանագրության վարումը.

6.7.4. տնօրենի հետ կնքում է աշխատանքային պայմանագիր.

6.7.5. օրենքով նախատեսված դեպքերում խորհրդի քննարկմանն է ներկայացնում խորհրդի անդամների լիազորությունների դադարեցման մասին որոշման նախագիծ:

6.8. Հիմնադրամի տնօրենի իրավասությանն են պատկանում հիմնադրամի ընթացիկ գործունեության ղեկավարման բոլոր հարցերը:

6.9. Հիմնադրամի տնօրենը՝

6.9.1. կազմակերպում է խորհրդի որոշումների կատարումը.

6.9.2. տնօրինում է հիմնադրամի գույքը, այդ թվում՝ ֆինանսական միջոցները, գործարքներ է կնքում հիմնադրամի անունից.

6.9.3. ներկայացնում է հիմնադրամը Հայաստանի Հանրապետությունում և օտարերկրյա պետություններում.

6.9.4. գործում է առանց լիազորագրի.

6.9.5. տալիս է լիազորագրեր.

6.9.6. սահմանված կարգով կնքում է պայմանագրեր, այդ թվում՝ աշխատանքային.

6.9.7. բանկերում բացում է հիմնադրամի հաշվարկային (այդ թվում՝ արտարժույթային) և այլ հաշիվներ.

6.9.8. խորհրդի հաստատմանն է ներկայացնում հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների և հիմնադրամի կողմից հիմնադրվող տնտեսական ընկերությունների կանոնադրությունները, հիմնադրամի վարչակազմակերպական կառուցվածքը, հաստիքացուցակը.

6.9.9. իր իրավասության սահմաններում արձակում է հրամաններ, հրահանգներ, տալիս պարտադիր կատարման համար ցուցումներ և վերահսկում դրանց կատարումը.

6.9.10. սահմանված կարգով աշխատանքի է ընդունում և աշխատանքից ազատում է հիմնադրամի աշխատողներին.

6.9.11. հիմնադրամի աշխատողների նկատմամբ կիրառում է խրախուսման և կարգապահական պատասխանատվության միջոցներ.

6.9.12. հաշվետու է խորհրդին.

6.9.13. ընդունում է որոշում Հիմնադրամի սեփականության իրավունքով պատկանող գույքի արժեքի մինչև 20 տոկոսը կազմող արժեքով ուղղակիորեն կամ անուղղակիորեն գույք ձեռք բերելու, օտարելու կամ օտարելու հնարավորության հետ կապված գործարքներ կատարելու մասին:

6.10. Հիմնադրամի տնօրենն այլ կազմակերպություններում կարող է զբաղեցնել վճարովի պաշտոններ՝ միայն խորհրդի համաձայնությամբ:

7. ՀԻՄՆԱԴՐԱՄԻ ՄԱՐՄԻՆՆԵՐԻ ԿՈՂՄԻՑ ՈՐՈՇՈՒՄՆԵՐԻ ԸՆԴՈՒՄՆԱԿ ԿԱՐԳԸ

- 7.1. Խորհուրդն իր գործունեությունն իրականացնում է նիստերի միջոցով: Հոգաբարձուների խորհրդի նիստերը կարող են հրավիրվել խորհրդի անդամների մեկ երրորդի պահանջով, խորհրդի նախագահի կողմից՝ համապատասխան պահանջը ներկայացնելուց 30 (երեսուն) օրվա ընթացքում:
- 7.2. Խորհրդի նիստն իրավագոր է, եթե դրան մասնակցում է խորհրդի անդամների կեսից ավելին: Քվեարկության ժամանակ խորհրդի յուրաքանչյուր անդամ ունի մեկ ձայն: Խորհրդի որոշումներն ընդունվում են նիստին մասնակցող անդամների ձայների մեծամասնությամբ:
- 7.3. Եթե խորհրդի նիստում քննարկվում է հիմնադրամի խորհրդի որևէ անդամի կամ նրա հետ փոխկապակցված անձի (ծնող, ամուսին, զավակ, եղբայր, քույր, ամուսնու ծնող, զավակ, եղբայր և քույր) գույքային կամ այլ շահերի վերաբերյալ հարց, ապա խորհրդի տվյալ անդամը քվեարկությանը չի մասնակցում:
- 7.4. Խորհրդի նախագահի ընտրության և ազատման, հիմնադրամի տնօրենի ընտրության և պաշտոնից ազատման, ինչպես նաև հիմնադրամի անվանման փոփոխության, լուծարման և կանոնադրության փոփոխության կամ նոր խմբագրությամբ հաստատման մասին որոշումներն ընդունվում են խորհրդի անդամների ընդհանուր թվի ձայների մեծամասնությամբ:
- 7.5. Խորհրդի անդամները կարող են նիստերին մասնակցել նաև էլեկտրոնային կառավարման համակարգերի միջոցով:
- 7.6. Խորհրդի նիստերին կարող է մասնակցել հիմնադրամի տնօրենը՝ խորհրդակցական ձայնի իրավունքով:
- 7.7. Հիմնադրամի տնօրենը որոշումներն ընդունում է ինքնուրույն՝ ելնելով խորհրդի որոշումներից և հիմնադրամի շահերից:
- 7.8. Խորհրդի նիստերին խորհրդակցական ձայնի իրավունքով կարող են մասնակցել հրավիրված անձինք:
- 7.9. Հիմնադրամի մարմինների նիստերն արձանագրվում են: Արձանագրությունն ստորագրում են Հոգաբարձուների խորհրդի նախագահը և տվյալ նիստի քարտուղարը:

8. ՀԻՄՆԱԴՐԱՄԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒՃԱՐՈՒՄԸ

- 8.1. Հիմնադրամի վերակազմակերպումը կատարվում է հիմնադրի միաձայն որոշմամբ կամ հոգաբարձուների խորհրդի անդամների ընդհանուր թվի ձայների որակյալ երկու երրորդ մեծամասնությամբ և օրենքով սահմանված կարգով:
- 8.2. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումով:
- 8.3. Հիմնադրամը կարող է լուծարվել, եթե՝
- 8.3.1. Հիմնադրամի գույքը բավարար չէ նրա գործունեության իրականացման համար, և անհրաժեշտ գույք ստանալու հնարավորությունն իրական չէ.
- 8.3.2. իր գործունեությամբ հիմնադրամը շեղվել է կանոնադրությամբ նախատեսված նպատակներից.
- 8.3.3. հնարավոր չէ հասնել Հիմնադրամի նպատակներին և կատարել այդ նպատակներին փոփոխություններ.
- 8.3.4. Հիմնադրամի գործունեությունը վտանգում է պետական և հասարակական անվտանգությունը, հասարակական կարգը, հանրության առողջությունն ու բարքերը, այլոց իրավունքներն ու ազատությունները.
- 8.3.5. Հիմնադրամը թույլ է տվել օրենքի բազմակի կամ կոպիտ խախտումներ կամ պարբերաբար իրականացրել է իր կանոնադրական նպատակներին հակասող գործունեություն.
- 8.3.6. Հիմնադրամը ստեղծելիս հիմնադիրը թույլ է տվել օրենքի էական խախտումներ կամ կեղծիքներ: Էական են համարվում այնպիսի խախտումները, որոնք ի հայտ են եկել հիմնադրամի գրանցումից հետո և, «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի

պետական հաշվառման մասին» Հայաստանի Հանրապետության օրենքի 36-րդ հոդվածի համաձայն, հիմնադրամի գրանցումը մերժելու հիմք են հանդիսանում:

8.3.7. օրենքով նախատեսված այլ դեպքերում:

8.4. Հիմնադրամի լուծարումն իրականացվում է օրենքով սահմանված կարգով:

8.5. Հիմնադրամի լուծարմամբ պայմանավորված՝ պարտատերերի պահանջների բավարարումից հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին հիմնադրամը չունի պարտավորություններ պարտատերերի նկատմամբ, հիմնադրամի մնացած գույքն ուղղվում է սույն կանոնադրությամբ նախատեսված նպատակներին, իսկ դրա անհնարինության դեպքում փոխանցվում է Հայաստանի Հանրապետության պետական բյուջե:

8.6. Հիմնադրամի լուծարումը համարվում է ավարտված, իսկ նրա գործունեությունը՝ դադարած՝ պետական գրանցման պահից:

Սույն կանոնադրությունը կազմված է 20.04.2022 թվականին և բաղկացած է 8 թերթից: